

আমেরিকান মুসলমানরা মনে করে তাদের রাজনীতি অংশগ্রহণ করা উচিত

ওয়াশিংটন, ৮ই এপ্রিল -- আমেরিকান মুসলমানদের ওপর করা সদ্য প্রকাশিত এক নতুন জরিপের ফলাফলে দেখা গেছে যে তাদের মধ্যে এমনকি সনাতন ধারার অনুসারীরাও বিশ্বাস করে যে তাদের যুক্তরাষ্ট্রের রাজনীতিতে অংশ গ্রহণ করা উচিত।

মিশিগানের ডেট্রয়েট এবং এর আশেপাশে বসবাসরত মুসলিমদের ওপর পরিচালিত এই জরিপ ক্রমবর্ধমান এই ধারণাকেই জোরদার করছে যে মুসলিম গোষ্ঠী যাদের অতীতে একটি বিচ্ছিন্ন এবং অন্তর্মুখী গোষ্ঠী হিসেবে মনে করা হতো, তারা বর্তমানে যুক্তরাষ্ট্রে অধিকতর হারে রাজনৈতিকভাবে সম্পৃক্ত হতে চাইছে। যুক্তরাষ্ট্রের এই এলাকাতেই সবচেয়ে বেশি সংখ্যক মুসলমানের বসবাস।

ইসলামী বিশেষজ্ঞ ও চিন্মার্বিদ কেন্টাকি বিশ্ববিদ্যালয়ের রাষ্ট্রবিজ্ঞানী ইহসান বাগৰিএ এই জরিপটি পরিচালনা করেন। ‘ইনসিটিউট অব সোশাল পলিসি অ্যান্ড আডারস্ট্যাডিং’-এর পক্ষে ২০০৩-এর গ্রীষ্মে এই জরিপটি সম্পন্ন হয়। বিশেষত ইসলামী বিষয়ে কর্ম গবেষণায় নিয়োজিত এই প্রতিষ্ঠানটি গৃহীত জরিপের ফলাফল প্রকাশ করা হয় গত ৬ই এপ্রিল।

জরিপের ফলাফল অনুযায়ী, শতকরা ৯৩ ভাগ মুসলিম যারা নিয়মিত মসজিদে যান তারা এ ব্যাপারে একমত যে আমেরিকান মুসলিমদের রাজনীতিতে অংশ নেয়া উচিত। জরিপের ফলাফল প্রমাণ করছে যে আমেরিকার মুসলিম গোষ্ঠী “স্পষ্টতঃই আমেরিকান সমাজ থেকে নিজেদেরকে বিচ্ছিন্ন রাখতে চায় না।” ধর্মীয়ভাবে সবচাইতে রক্ষণশীল মুসলিমদের দুই-তৃতীয়াংশ যুক্তরাষ্ট্রের রাজনীতিতে তাদের সর্কিয় অংশগ্রহণ সমর্থন করছে।

যাদেরকে ওপর জরিপ করা হয় তাদের মধ্যে শতকরা ৬০ ভাগেরও বেশি রাষ্ট্রীয় নীতির ক্ষেত্রে নাগরিক অধিকারকে তাদের সর্বোচ্চ বিবেচ্য বিষয় হিসেবে উল্লেখ করেছে। জরিপের ভাষ্য অনুযায়ী, এটা ২০০১-এর ১১ই সেপ্টেম্বরের সন্ত্রাসী হামলার পর যুক্তরাষ্ট্রে ইসলাম সম্পর্কে জনগণের ধারণার প্রত্যক্ষ ফলাফল।

আমেরিকান মুসলমানদের ধর্মীয় ও সামাজিক অংশগ্রহণ সম্পর্কে তথ্যাদিও পাওয়া গেছে এই জরিপে। যাদেরকে জরিপ করা হয়েছে তাদের মধ্যে শতকরা ৭৩ ভাগ একমত হয়েছেন যে মুসলিমদের অ-মুসলিমদের সাথে আরো ঘনিষ্ঠভাবে সমাজ সেবা প্রকল্পে অংশ গ্রহণ করা উচিত। জরিপে বলা হয়েছে, এতে এটাই প্রমাণিত হয় যে “মসজিদ ভিত্তিক মুসলিম সমাজ আমেরিকান সমাজে নিজেদেরকে ইতিবাচক হিসেবে দেখতে ইচ্ছুক।”

ধারণা করা হচ্ছে, মুসলিমগণ এবং আরব-আমেরিকান গোষ্ঠী ২০০৪-এ যুক্তরাষ্ট্রের প্রেসিডেন্ট নির্বাচনে একটি গুরুত্বপূর্ণ ভূমিকা পালন করবে এবং এই জরিপ থেকে প্রাপ্ত এই তথ্য সেই ধারণাকেই আরো জোরদার করছে। ২০০৩-এর অন্তোবরে মিশিগানের ডিয়ারবোর্নে ছয়জন ডেমোক্র্যাট দলীয় প্রার্থী ‘আরব-আমেরিকান ন্যাশনাল লিডারশীপ’ সম্মেলনে যোগ দেন। এই এলাকাতেই জরিপটি পরিচালনা করা হয়েছে। প্রার্থীগণ নির্বাচনে আরব ও মুসলিম আমেরিকানদের গুরুত্ব স্বীকার করে নিয়েছে বলে মনে হয়।

সম্পূর্ণ জরিপটি http://www.ispu.us/pdfs/detroit_mosque_2.pdf ওয়েবসাইটের এই ঠিকানায় পাওয়া যাবে।

=====

* (ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রামস্-এর একটি প্রকাশনা।)

জিআর/ ২০০৪

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে অগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৪৪১০৪৪০-৪, ফ্যাক্স: ৯৮১৬৭৭; ই-মেইল: DhakaPA@pd.state.gov এবং Website: <http://www.usembassy-dhaka.org>) যোগাযোগ করুন।